

Na osnovu člana 67. stav (5) tačka d) i člana 69. stav 1. Zakona o turizmu Kantona Sarajevo („Službene novine KS“ broj 19/16, 31/17, 34/17 i 13/21), a u vezi člana 17. tačka d) i člana 22. stav 1. i 2. Statuta Turističke zajednice Kantona Sarajevo („Službene novine KS“ broj 32/17), Odluke Skupštine Turističke zajednice Kantona Sarajevo o utvrđivanju kriterija za izbor i imenovanje članova Nadzornog odbora Turističke zajednice Kantona Sarajevo broj 586-7/22 od 13.05.2022. godine i Odluke o poništavanju javnog konkursa za izbor i imenovanje članova Nadzornog odbora Turističke zajednice Kantona Sarajevo i ponovnom raspisivanju javnog konkursa za izbor i imenovanje članova Nadzornog odbora Turističke zajednice Kantona Sarajevo, broj 586-6/22 od 13.05.2022. godine, Skupština Turističke zajednice Kantona Sarajevo

PONIŠTAVA

Javni konkurs za izbor i imenovanje članova Nadzornog odbora Turističke zajednice Kantona Sarajevo objavljen na zvaničnoj web stranici www.visitsarajevo.ba dana 17.03.2021. godine, dnevnim novinama „Oslobođenje“ dana 19. i 20.03.2022. godine i Službenim novinama KS broj: 12/22 od 24.03.2022. godine i **ponovo raspisuje**

JAVNI KONKURS

za izbor i imenovanje članova Nadzornog odbora Turističke zajednice Kantona Sarajevo

I PREDMET

Raspisuje se javni konkurs za izbor i imenovanje članova Nadzornog odbora Turističke zajednice Kantona Sarajevo.

Nadzorni odbor Turističke zajednice Kantona Sarajevo imenuje Skupština Turističke zajednice Kantona Sarajevo.

Nadzorni odbor Turističke zajednice Kantona Sarajevo čine predsjednik i 2 (dva) člana koje imenuje i razrješava Skupština, od kojih jednog člana predlaže osnivač. Članovi Nadzornog odbora koje bira Skupština biraju se iz reda uglednih stručnjaka iz oblasti turizma, finansija ili prava, a mogu biti birani i iz reda članova Turističke zajednice Kantona Sarajevo.

II OPIS POZICIJE

Nadzorni odbor Turističke zajednice Kantona Sarajevo o izvršenom nadzoru podnosi pisani izvještaj Turističkom vijeću i Skupštini Turističke zajednice Kantona Sarajevo.

Nadležnosti Nadzornog odbora Turističke zajednice Kantona Sarajevo su da nadzire:

1. vođenje poslova Turističke zajednice Kantona Sarajevo,
2. materijalno i finansijsko poslovanje i raspolaganje sredstvima,
3. izvršenje i provedbu Programa rada i Finansijskog plana.

III MANDAT

Članovi Nadzornog odbora Turističke zajednice Kantona Sarajevo imenuju se na period od četiri (4) godine, te članovi mogu biti ponovno birani, odnosno imenovani na još jedan mandat.

Član Nadzornog odbora Turističke zajednice Kantona Sarajevo nakon imenovanja sa Turističkom zajednicom Kantona Sarajevo zaključuje Ugovor o angažmanu shodno Zakonu o platama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj 10/16) i Uredbi o određivanju visine plaća i naknada organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo („Službene novine Kantona Sarajevo“ broj 41/16, 46/16, 5/17, 50/17, 53/18 i 42/20).

IV KRITERIJI ZA ČLANOVE NADZORNOG ODBORA

Kandidati za imenovanje na poziciju člana Nadzornog odbora Turističke zajednice Kantona Sarajevo mora ispunjavati opće i posebne uslove:

(1) OPĆI USLOVI :

- a) Vlastoručno potpisana elektronski sačinjena prijava na javni konkurs;
- b) Biografija;
- c) da je državljanin Bosne i Hercegovine (dokaz: uvjerenje o državljanstvu);
- d) da je stariji od 18 godina, a mlađi od 65 godina na dan imenovanja (dokaz: izvod iz matične knjige rođenih);
- e) uvjerenje iz prekršajne evidencije (dokaz: uvjerenje nadležnog suda);
- f) uvjerenje da nije podignuta optužnica, potvrđena optužnica, niti je izrečena osuđujuća presuda za krivično djelo sa propisanom kaznom zatvora do 5 godina ili novčanom kaznom kao glavnom kaznom (dokaz: uvjerenje nadležnog suda);
- g) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa);
- h) da se na tog kandidata ne odnosi član IX. 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa);
- i) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa).

(2) POSEBNI USLOVI :

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa koji se vrednuje

- sa 240 ECTS bodova ili drugog ili trećeg ciklusa Bolonjskog sistema studiranja (dokaz: univerzitetska diploma);
- b) da ima najmanje pet godina radnog staža u struci nakon sticanja visokog obrazovanja (dokaz: potvrda ili uvjerenje);
 - c) da ima pozitivne rezultate rada ostvarene tokom karijere (dokaz: potvrda ili uvjerenje ili preporuka poslodavca);
 - d) da nema privatni finansijski interes u Turističkoj zajednici Kantona Sarajevo (dokaz: izjava potpisana i ovjerena od strane nadležnog općinskog organa);
 - e) ne može biti član Turističkog vijeća niti Skupštine (dokaz: izjava potpisana i ovjerena od strane nadležnog općinskog organa).
 - f) da posjeduje znanja i sposobnosti razumijevanja poslovnih izvještaja i da poznaje propise iz oblasti turizma;
 - g) da posjeduje sposobnost za savjesno, odlučno i odgovorno obavljanje povjerene funkcije;
 - h) da posjeduje sposobnost nepristrasnog donošenja odluka;
 - i) da je naklonjen timskom radu;

(3) Posebni uslovi iz tačke f), g), h) i i) bit će vrednovani kandidatu prilikom intervjua.

(4) Prilikom predlaganja kandidata vodit će se računa o spolnoj i nacionalnoj zastupljenosti kandidata.

V POTREBNI DOKUMENTI

Kandidati su dužni uz potpisanu prijavu priložiti biografiju, originalne dokumente ili ovjerene kopije dokumenata ne starije od šest mjeseci, koji su dokaz o ispunjavanju općih i posebnih uslova traženih konkursom, u roku od 15 dana od dana posljednjeg javnog objavljivanja. Konkurs će biti objavljen u „Službenim novinama KS“, dnevnom listu većeg tiraža i na web stranici Turističke zajednice Kantona Sarajevo www.visitsarajevo.ba

Konkursna dokumentacija neće se vraćati kandidatima.

VI OSTALE NAPOMENE

Svi kandidati koji budu na Listi kandidata koji zadovoljavaju kriterije za izbor i imenovanje za člana Nadzornog odbora Turističke zajednice Kantona Sarajevo (dalje: Lista) biće pozvani na intervju pred Komisijom imenovane od strane Skupštine Turističke zajednice Kantona Sarajevo.

Nijedan kandidat neće biti stavljen na Listu ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, broj 49/06, 76/11 i 89/11).

Nakon intervjua, Skupština Turističke zajednice Kantona Sarajevo će donijeti Odluku o imenovanju članova Nadzornog odbora Turističke zajednice Kantona Sarajevo.

Prijavu sa traženom dokumentacijom dostaviti lično ili poštom na adresu:

TURISTIČKA ZAJEDNICA KANTONA SARAJEVO
Dalmatinska 2/IV, 71000 Sarajevo

sa obaveznom naznakom
„PRIJAVA NA JAVNI KONKURS ZA IZBOR I IMENOVANJE ČLANOVA
NADZORNOG ODBORA“ - NE OTVARATI -

OBAVEZNO na poledini koverta navesti ime i prezime podnosioca prijave, adresu i kontakt.

Nepotpune i neblagovremene prijave neće se uzeti u razmatranje.



Predsjednik Skupštine
Turističke zajednice Kantona Sarajevo
Muamer Bešlija
2
Sarajevo